

Հաշվետվություն

2022 թվականի օգոստոսի 1-ից 5-ը Միավորված ազգերի կազմակերպություն
Ամերիկայի Միացյալ Նահանգներ (Նյու Յորք) կատարած գործուղման
արդյունքների մասին

1. Անունը, ազգանունը.

Արման Պետրոսյան,
Վահագն Մուրադյան

2. Զբաղեցրած պաշտոնը.

Կադաստրի կոմիտեի ղեկավարի տեղակալ, Գեոմատիկայի կենտրոնի պետ

3. Գործուղման վայրը և ժամկետները.

ԱՄՆ, Նյու Յորք, 2022 թվականի օգոստոսի 1-ից 5-ը

4. Հրավիրող կողմը.

Միավորված ազգերի կազմակերպություն

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

- Մասնակցություն ՄԱԿ-ի երկրատարածական տեղեկատվության գլոբալ կառավարման փորձագետների կոմիտեի (UN GGIM) 12-րդ նստաշրջանին,
- Նոր գործընկերային հարաբերությունների հաստատում ոլորտային միջազգային կազմակերպությունների և տարբեր երկրների պաշտոնական ներկայացուցիչների հետ,
- Մասնագիտական բնագավառում միջազգային փորձի փոխանակում:

Քննարկված թեմաները.

Հանդիպման 3 օրերի ընթացքում ներկայացվեցին հետևյալ թեմաները.

- ✓ Երկրատարածական տվյալների կառավարման ամրապնդում,
- ✓ Տարածաշրջանային և թեմատիկ խմբերի ներդրումը երկրատարածական տվյալների կառավարմանն առնչվող հարցերում,
- ✓ Ապագա երկրատարածական տեղեկատվության էկոհամակարգի որոշումը,
- ✓ Ինտեգրված երկրատարածական տվյալների շրջանակ,
- ✓ Համաշխարհային գեոդեզիական ցանց,
- ✓ Երկրատարածական տվյալների կիրառումը կայուն զարգացման նպատակով,
- ✓ Երկրատարածական, վիճակագրական ու ոլորտին առնչվող տվյալների

- ինտեգրում,
- ✓ Երկրատարածական տվյալների կիրառումը հողօգտագործման և հողային կառավարման նպատակով,
 - ✓ Ծովային երկրատարածական տվյալներ,
 - ✓ Երկրատարածական տվյալները և աղետներին արձագանքման մեխանիզմը,
 - ✓ Իրավական և քաղաքական շրջանակներ, որոնք ներառում են երկրատարածական տվյալների ճշգրտությանն առնչվող խնդիրներ,
 - ✓ Երկրատարածական տվյալների կառավարմամբ զբաղվող համաշխարհային հասարակության համար ստանդարտների որոշում և կիրառում,
 - ✓ Համագործակցություն ՄԱԿ-ի փորձագետների խմբի հետ աշխարհագրական անվանումների շրջանակում:

6. Հանդիպումներ, ելույթներ, բարձրացված կամ քննարկված հարցեր.

Օգոստոսի 1-ին ՀՀ կադաստրի կոմիտեի ներկայացուցիչները մասնակցել են ՄԱԿ-ի երկրատարածական տեղեկատվության գլոբալ կառավարման տարածաշրջանային կոմիտեի աշխատանքային հանդիպումներին և «Երկրատարածական տեղեկատվության կապը Երկրի հեռազննման հետ» խորագիրը կրող մասնագիտական քննարկմանը: Օգոստոսի 5-ին մասնակցել են նաև «Երկրատարածական տվյալները և աղետներին արձագանքման մեխանիզմ» աշխատանքային խմբի փակ հանդիպմանը, որին որպես անդամակցող երկիր՝ ներգրավված է Հայաստանը: Հանդիպման ընթացքում ներկայացվեց ու քննարկվեց աղետների վիզուալիզացման և մշտադիտարկման գլոբալ պորտալը:

Օգոստոսի 3-ից 5-ի ընթացքում ներկայացված թեմաների վերաբերյալ տեղի ունեցան քննարկումներ, մասնակից երկրներն ու կազմակերպությունները ներկայացրին իրենց տեսակետներն ու առաջարկությունները:

ՀՀ կադաստրի կոմիտեի ներկայացուցիչները առանձին հանդիպումներ են ունեցել Գլոբալ երկրի հեռազննման խմբի (GEO) և Եվրոգեոգրաֆիքս (EuroGeographics) միջազգային կազմակերպությունների ղեկավարների հետ, որոնց հետ քննարկվել են հետագա համագործակցության հնարավորությունները: Հանդիպել են նաև ՄԱԿ-ի երկրատարածական տեղեկատվության գլոբալ կառավարման փորձագետների կոմիտեի 12-րդ նստաշրջանի համանախագահի, «UN_GGIM»-ի եվրոպական տարածաշրջանի գործադիր կոմիտեի քարտուղարի, ինչպես նաև «UN_GGIM»-ի գեոդեզիայի ենթահանձնաժողովի համանախագահի հետ:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

ՄԱԿ-ի երկրատարածական տեղեկատվության գլոբալ կառավարման փորձագետների կոմիտեի «UN_GGIM» 12-րդ նստաշրջանի ավարտին ամփոփ հաշվետվության մեջ հստակեցվեցին հետագա անելիքները և ապագայի տեսլականը, ինչպես նաև 2023 թվականի 13-րդ նստաշրջանի օրակարգը: Մասնավորապես որոշվեց շարունակել Գերմանիայի Բոնն քաղաքում Գլոբալ գեոդեզիական գերազանցության կենտրոնի հիմնադրման աշխատանքները, աջակցել հոկտեմբերի 10-14-ը Հնդկաստանի Հայդարաբադ քաղաքում կայանալիք ՄԱԿ-ի երկրատարածական տեղեկատվության երկրորդ կոնգրեսի կայացմանը:

Քննարկվել է «գեոդեզիայի ենթահանձնաժողովին» և «ինտեգրված երկրատարածական տվյալների շրջանակի» աշխատանքային խմբին Հայաստանի Հանրապետության լիիրավ անդամակցելու հարցը, արդյունքում ձեռք է բերվել նախնական համաձայնություն աշխատանքները սկսելու համար: Այդ խմբերում ակտիվ մասնակցությունը, հնարավորություն է ընձեռելու մասնակից դառնալու երկրատարածական տվյալների կառավարման համաշխարհային և տարածաշրջանային գործընթացներին, ինչպես նաև տարբեր երկրների լավագույն փորձի և հմտությունների փոխանակման, մասնագետների ուսուցման և վերապատրաստումների կազմակերպմանը:

8. Առաջարկությունները, դրանց ընթացք տալու վերաբերյալ առաջարկները.

«Ինտեգրված երկրատարածական տվյալների շրջանակ» աշխատանքային խմբի կողմից ներկայացված ազգային մակարդակում գործողությունների ծրագրի իրականացում ՀՀ-ում «UNGGIM»-ի աջակցությամբ: Էլեկտրոնային նամակագրության միջոցով իրականացվել է Հայաստանի անդամակցության հարցի քննարկումը տարբեր մասնագիտական աշխատանքային խմբերում:

Ամփոփելով վերոնշյալը՝ կարող ենք նշել, որ քննարկված թեմաները և ձեռք բերված նախնական պայմանավորվածություններն ու վերապատրաստումները կնպաստեն ՀՀ-ում ազգային երկրատարածական տվյալների արդյունավետ կառավարմանը:

9. Ստորագրությունը, ամսաթիվը:

Արման Պետրոսյան

Վահագն Մուրադյան



09.08.2022 թ.